

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 66 (1981)

Heft: 16

Artikel: La stampa da cudischs romontschs (sursilvana, stusilvana e surmirana)

Autor: Bornatico, Remo / Berther, Norbert

DOI: <https://doi.org/10.5169/seals-882239>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

La stampa da cudischs romontschs

(sursilvana, sutsilvana e surmirana)

da Remo Bornatico

Versiun romontscha da Norbert Berther

Igl emprem stampadur dil Grischun tudestg e romontsch ei Johann Georg Barbisch (Barbisius) staus che suttascriva en romontsch cun Gion Gieri Barbisch (*1641 a Bludenz †1687 a Cumbel). Igl onn 1668 stampa e publichescha Barbisch a Feldkirch «*In cuort Mussament et intruidament de quellas caussas, las qualas scadin fideivel christgiaun ei culpons da saver*». Ei setracta dalla quarta ediziun digl enconuschent muossavia catolic da Gion Antoni Calvenzan. Da 1672 entochen 1676 ei Barbisch sesents a Cuera, exactamein sin la Cuort. Cheu stampa el denter auter l'impurtonta e biala «*Rhetische Cronica*» da Fortunat Sprecher sco era las 5 sequentas publicaziuns romontschas:

ALIG, Balthasar: *Enzacontas canzuns spiritualas* . . . – Cuera si Cuort de G'G'B' 1674.

ALIG, Balthasar: *Epistolas ad Evangelis sin tuttas dumengias*, . . . 1674.

WENDENZEN, A.: *La vita da nies Segner Jesus nies spindrader*, . . . 1675

WENDENZEN, A.: *Memorial della passiun de N.S. quei ei igl offici della S. Messa*, . . . 1675

WENDENZEN, A.: *Formular de responder à gidar ils spirituals*, . . . 1676.

Suenter ver bandunau Cuera aunc igl onn 1676 sedomiciliescha Barbisch a La Punt e 1680 eis el a Panaduz nua ch'el stampa:

JENELIN, Gion P.: *La Bealla vitta a Beada Mort de S. Valentin* . . . Naven da 1684 entochen 1687 ha el dimora a Cumbel nua ch'el stampa treis cudischs:

ZACCARIA Da Salò: *Canzuns devotiuas*, . . . 1685

ZACCARIA da Salò: *La glisch sin il candelier envidada*, . . . 1685–87

ZACCARIA da Salò: *Igl grond legendari*, . . .

1686 stampa el a Luven il cudisch dil teolog protestant: GERHARD, Johann: *Soigns Discurs dad ün Olma fideivla . . . ni Rimas Rumantschas tras Johann MOELI*. – Quei valent tipograf ambulont ei il pionier dalla

stamp a romontscha naven da 1667 entochen 1687, el medem temps stampa el ovras tudestgas, latinas e talianas. Ei seigi era menziunau che Barbisch capeva zatgei da siu mistregn. El prepara siu successur, il giuven Pieder Moron che daventa il fundatur dalla dinastia dils tipografs da Panaduz.

La stampa dalla Claustra da Mustér, 1685–1799

La secunda stampa movibla dalla Surselva appartegn alla Claustra da Mustér. Ella ei vegnida acquistada digl avat Adalbert II (1655–1696) e deriva dalla Claustra da Nossadunnaun e dil meister tipograf Heinrich Ludwig Moos da Zug ch'ei parents cun il pader da Mustér Beat K. Mainrad. En verdad era «l'officina digl art ner» vegnida installada 1664 ella Claustra da Nossadunnaun. Ella daventa in model da stampa per las claustras en Svizra, schibein pertuccint l'organisazion professiunala sco era la vart commerciala. Plinavon eis ei da menziunar che pader Placi Rütimann da Mustér ei staus per pli liung temps ella Claustra da Nossadunnaun, nua ch'el studegia igl art d'organist e fa igl emprendissadi da construider d'orglas denton el medem temps empren el era il mistregn da tipograf e ligiacudischs.

1685 era la stampa dalla Claustra da Mustér en cumpleina activitat, denton buca a Mustér, mobein en Val s. Pieder. Quei fatg selai declarar levamein. La populaziun da quei vitg, sco ils Gualsers catolics en general, havevan basegns da cudischs da devoziun. Il pader Placi Rütimann, burgheis da Val s. Pieder, che haveva empriu a Nossadunnaun l'«ars impressoria», era da quei temps el vitg nativ sco augsegner gidonter. Plevon da Val s. Pieder era Sebastian Rütimann, parents dil pader tipograf. Essend avon maun la pusseivladad da stampar, sedecida il plevon da publicar cudischs da devoziun en tudestg. Cun consentiment digl avat semetta il stampadur immediat alla lavur, sustenius dil confrar Gregor Jörg, medemamein da Val s. Pieder.

A Val s. Pieder producescha la stampa sursilvana treis ovras, numnademain: «*Geistlicher Blumengarten*», «*Trissagium Divinum oder Dreifaches Lobgesang Gottes*» (omisduas 1685) e «*Andächtige . . . H. Messe zuhören*» (1687).

Silsuenter vegn la stampa translocada a Trun, nua ch'ei vegn stampau in cudisch da messa ed in cudisch da devoziuns, omisdus en romontsch, ils quals registreschan duas ediziuns en dus onns. 1690 suonda la famusa «*Consolaziun della olma devoziusa*», ina collecziun da canzuns liturgicas

da renun internaziunal. Aunc quei onn retuorna la stampa en siu liug d'origin e definitiv – ella claustra sezza. Leu resta ella en funcziun entochen ils 6 da matg 1799, cura che las truppas franzosas dattan fiug il convent. Era igl archiv, la biblioteca e la stampa van a smerscha ellas flommas. «La massa dallas lettras culadas vegn duvrada suenter per la construcziun dallas tibas dalla orgla dalla baselgia da sogn Martin.» (G. Gadola).

Duront ils 115 onns dalla existenza della stampa, els quals ella ei vegnida migliurada pliras gadas, eis ei vegniu stampau ver 90 publicaziuns, dallas qualas 83¹ existan aunc. Pli che la mesadad ein en lungatg romontsch sursilvan, da caracter ecclesiastic e devoziunal per la famiglia catolica. Las autras ein en latin, tudestg ni talian, denter las qualas sesanflan manuals liturgics per ils paders e per il pievel e tractats linguistics. Ei seigi menziunau en quei connex il bi ed impurtont cudisch dil pader Flaminio da Sale: «*Fundamenti principali della lingua retica ... 1729.*» A Trun luvrava Carl de Curtins (P.C.C.), seigi quei sco cumpilatur, tipograf ni sco correctur. Mintgaton haveva el da supreder persuls tuttas treis funcziuns. Naven da 1729 ein emploiai en survetsch dalla stampa. 1729 ei pader Basil Bischoff directur; 1729–31 Franz Anton Binn; 1748–51 Josef Anton Huchler; 1751–55 e 1771–73 Gion Baptista Gross; 1755–57 Ferdinand Geister; 1757–62 Andrea Lod. Max; 1762–71 Ferdinand C. Dascek. La stampa da Mustér sco era quella da Panaduz, sur dalla quala nus scrivin pli tard, han adempliu en moda efficacia e particulara in pensum religius, moral, cultural e social da gronda impurtonza per il territori romontsch sursilvan, sutsilvan e surmiran.

La stampa Moron a Panaduz

La tipografia da Pieder Moron ei l'emprema stampa stabla e movibla per il territori sutsilvan. Ella exista 80 onns ed ha fatschentau treis generaziuns dalla famiglia numnada. Moron haveva empriu ils mistregns da stampadur e ligiacudischs da Gion Gieri Barbisch, dil qual el acquista alla fin la fatschenta. Quei cumprova sufficientamein il fatg ch'il «*Proprium sanctorum*» stampaus da Barbisch ed appreziaus grondamein dil clerus, ei vegnius restampaus en moda scursanida da Pieder Moron cun il tetel «*Officia propria Sanctorum*».

¹ Giesta completa → Bornatico, R., *L'arte tipografica nelle Tre Leghe (1547–1803) e nei Grigioni (1803–1975)*, Coira 1976, P. 111–114.

IGL PUCCONT
SFORZAUS A SE RETRER

PER DIESCH GIS

oder

CUORT MUSSAMENT
D' EXERCIZIS SPIRITUALS

PER IN MIEZ QUART D' URA

IGL GI MESS GIU EN

Ramonsch

Daigl

R. P. Gion Batista da Lonato

Predic. Missionari Capuciner



Cun labienfcha digls superius.

Squitschiau enten la Principala
Claustra da Mustér igl'

Onn 1747

Gion Batista da Lonato: Igl pucont sforzaus a seretrer per diesch gis ... Mustér,
Claustra, 1747. Frontispezi

Pieder Moron ei staus activs da 1693 entochen 1739. Mo occasiunalmein translochescha el a La Punt e 1703 lavura el temporarmein a Savognin e forsa era a Razén. Igl emprem cudisch stampaus dad el a Panaduz en lungatg romontsch datescha da 1693. Nua eis el staus e tgei ha el fatg ils onns 1687 (mort dil Barisch) entochen 1693? Ha el luvrau zatgei auter ni ha el fatg in viadi per seperfecziunar en sia clamada? Sia emprema ovra «*La Suentra veglia dell'olma*» muossa la medema presentaziun sco il davos stampat da Barisch – «*Soigns Discurs dad ün Olma fideivla*» – consequentamein ina directa descendenza dil vischin da Panaduz da quel da Bludenz.

La stampa da Moron flurescha sut Pieder, damai che pliras ovras veggan edidas duas ni differentas gadas. Siu successur, Matteus (fegl ni frar da Pieder) ei staus activs naven da 1739 entochen 1756, ferton ch'il tierz tipograf e parzialmein editur, Antoni (fegl digl emprem ni secund), diregia la fatschenta da 1756 entochen 1773. El miera ils 12 da schaner 1787. Naven da 1773 cumparan denton buca pli publicaziuns da Moron. Probabel ei la stampa veggida vendida per incarica dil possessur dils caputschins.

L'attatschadadad dil stampadur Antoni Moron agl idiom romontsch ei demonstrada dil desideri che il davos «*Bab nos*» sin sia fossa dueigi veginir recitaus en romontsch. Cumpareglia la poesia da Gion Cadieli: «Sch'ins mo aunc sin fossa a nus recitescha.

En viarva romontscha il davos paternies».

Dalla «officina» Moron derivan pli che 50 stampats da caracter religius ed instructiv, civic e patriotic. Propri gartegiada ei la «*Doctrina Bresciana volveida dal italian en rumantsch da Sursees . . .*», scretta dil pader Daniel da Bagnolo e translatada dil canoni dr. teol. Francesco Damiano Gallin. L'emprema ediziun ei dils 1707, la quarta dils 1773. Remarcabel ei il fatg che las publicaziuns da Mustér, dils paders benedictins, eran influenzadas per gronda part dalla fiera da cudischs tudestgs, ferton che quellas da Panaduz sereferevan a cudischs talians enconuschents als Franciscans che pastoravan ella Sutselva ed el Surmir.²

Concludend questa part, che risguarda l'epoca dallas Treis Ligias, eis ei da menziunar ch'era las stampas retotudestgas han publicau broschuras, cudischs etc. els idioms romontschs. Per igl idiom sursilvan eis ei da menziunar specialmein «*La S. Bibla, quei ei: tut la Soinchia Scartira . . .*» translatada da Peter Saluz e Christian Caminada e stampada 1718 dad Andrea Pfeffer a Cuera. Igl ei in volumen monumental da 1173 paginas.

² Giesta dils stampats da Moron → Bornatico, cudisch menziunau p. 118–119.

Plinavon eis ei da numnar:

- *Ils Psalms . . . Ligia Grischa* da Johann GRASS, Cuera, Bernhard Otto, 1790. – 606 p.
- «*Una curta summa da la cardientscha*» da Stefan GABRIEL (1788) e
- «*Elementari oder intraguidamaint in ils princips d'imprendar la scritura romanscha*». – Malans, J.G. Berthold, 1798. –

Calenders

Cun la publicaziun da calenders duei la stampa claustral da Mustér haver entschiet. L'emprema perdetga valeivla ei la «*Nova pratica sin il onn suenter la graziosa naschienscha de Jesu Christi MDCLXXI . . .*», stampada a Mustér 1770 ed igl onn suenter. Igl ei ina biala broschuretta en format da quart (4°) da 28 paginas. Igl adjectiv «*Nova*» lai supponer che questa publicaziun seigi gia stada precedida d'ina autra numnada semplamein «*Pratica*». La secunda perdetga ei il «*Calender u pratica pil on . . . 1810*», la tiarza «*Igl nizeivel calender romansch per ilg onn 1824*». Co ein quellas interrupziuns da declarar? Per 1858 nescha il calender che secloma: «*Calender de preit per 1859*» stampaus da Condrau a Mustér. Da quel deriva il «*Calender Romontsch*» che entscheiva la retscha 1860 (96 p.) e daventa adina pli e pli voluminus (entochen 450 p.).

«*Il Glogn, Calender pil pievel romontsch*» sortescha dalla stampa Vollmar e Manetsch da Glion naven da 1867–69. El vegn cuntuauas 1926 da sur Anton Schmid e lu da dr. Guglielm Gadola che transformescha el en ina specia d'annuari cultural naven da 1927 entochen 1952. La stampa ha la fatschenta Maggi da Glion procurau.

Naven da 1922 cumpara il «*Per mintga gi, Calender popular per las valladas renanas*» e naven da 1951 il «*Calender surmiran*». Per quater onns, naven da 1958 entochen 1961 publichescha sur Pius Camenisch «*Il Piogn*».

Gasettas e periodicas romontschas

Sco ils calenders sebasavan era las gasettas sin las ideas da religiun, patria, famiglia e societad e s'ornavan da tetels e sujetetels fetg attractivs sco ins vegn a veser. L'emprema gasetta romontsch da vallada dil Rein ei «*Il Grischun Romontsch*», publicada dils 1836 entochen ils 1839

mintga jamna. Era sche la redacziun era en mauns sursilvans eran ils auters idioms buca exclus. Ei suondan:

- «*Igl Amitg della Religiun e della Patria*». Surrein, Stamp. Camenisch, 22/11/1837–30/12/1839.³
- «*Nova Gasetta Romontscha*» [I], Surrein, Stamp. Camenisch, 6/1/1840–28/6/1841.
- «*Igl Amitg dil Pievel*», [I], Surrein, Stamp. Camenisch, 12/7–13/12/1841.
- «*Il Romontsch*» [I], Coira, Stampa Sutter, Pradella [etc.], 19/8/1845–29/12/1848.
- «*Amitg dil Pievel*», [II], Coira, Stampa Holdenried, Pradella, 2/1/1849–30/12/1856.
- «*Il Romontsch*» [II], Cuera, Stampa Wassali, Pargätschi & Felix, 6/8/1850–30/12/1852.
- «*Il Confederau Grischun*», Cuera, Stampa Sutter, 11/1 –fin zercladur 1845.
- «*Il Grischun*» [I], Coira, Stampa Wassali, Hitz, Pradella, 4.1.1856 – fevrier 1858, 1/1/1859–30/7/1865.
- «*La Ligia Grischa*», Glion, Stampa Vollmar & Manetsch, 23/12/1865 – 18/12/1873. [Naven da 1870 stamp. a Cuera (Pradella, Conzett, Sprecher & Plattner, Senti & Casanova.)]
- «*Gasetta Romontscha*», Mustér, Stampa Romontscha, 1857–1981 ff. (1857–1866 cumpara ella sut il num «*Nova Gasetta Romontscha*.») Enconuschents supplements: *Cronica romontscha* (1925–1940); *La Vusch dils mats* (1931–1962) e sia successura «*Giumentetgna*» 1963–1964; *Il Giuven Jauer*, 1940–1943; *La Pagina da Surmeir*, 1946.
- «*Las Seras d'unviern*», Stamp. Vollmar & Manetsch, 16/11/1866 – 3/4/1867
- «*Il Novellist*». Cuera, Stampa. Pradella, 10/1/1867–23/12/1868.
- «*Il Patriot*, Cuera, Stamp. Casanova, 24/12/1874–14/1/1882.
- «*Il Sursilvan*», Cuera, Stamp. Casanova, 6/1/1883–29/12/1891.
- «*Igl Ischi*», Organ della Romania. Mustér [etc.], Stampa. Condrau, 1897 ss.
- «*Il Pelegrin*», Mustér, Stampa Condrau, 1900–1968. Supplements: «*Santa Maria per mummas e giuvnas*», 1926–1948, «*Il Pign Guido*», 1936–1948)
- «*Il Grischun*» [II], Cuera, Stampa Bischofberger & Hotzenköcherle, suenter Sprecher, 21/12/1905–29/12/1916.

³ Indicaziuns pli detagliadas davart quella gasetta e dallas suandontas mira: Bornatico, cudisch menziunau. p. 196–199

- «*Nies Tschespet*», Cudischets per il pievel, Mustér, Stampa Condrau [etc.], 1921–1981 ff.
- «*La Casa Paterna*», Cuera, Stampa Bischofberger, 1920–1981 ff. Supplement: «*Per la dumengia sera*», 1931–1935.
- «*La Talina*», Periodica studentica della Romania. Trun 1941 ss.
- «*Il Giuven Grischun*» Per la giuentetgna romontscha, Tusaun, Stamp. Roth, 1965–1970.
- «*Radioscola*,» Mustér, Stampa Condrau, 1955–1981 ff.

La Stampa Camenisch a Surrein-Sumvitg

En in cert senn ei il spiritual Giusep Maria Camenisch staus il successur da pader Placi a Spescha ed il predecessur dil grond filantrop pader Teodosi Florentini, benefactur e menader dil pievel romontsch. En ver-dad ei sur Camenisch staus in sacerdot intelligent e fervent, in propugnat ur dallas scolas ruralas, in promotur dalla giustia sociala e dil beinstar general (el propona megliuraziun dallas habitaziuns, ina economia raziu-nala dil forestaless, l'introducziun dalla industria da lenn e da textilias), pionier dil lungatg e dalla cultura romontscha, editur, redactur e stampadur, mediatur e cussegliader, gidonter dils students e perfin constructur e planisatur da casas.

Sur Camenisch ei naschius ils 10 da fenadur 1797 a Sogn Roc (Medel) ed ei morts ils 10 da settember 1847 a Surrein-Sumvitg. 1803 era sia famiglia setratga a Sedrun, nua ch'il buob pren latin tier il plevon. Naven da leu serenda el a Dillingen per studegiar teologia. 1815 vegn el ordinatus sacerdot, lu eis el caplon a Curaglia e suenter a Sedrun e naven da 1832 entochen sia mort prematura a Surrein.

Suenter ver collaborau per la gasetta «*Il Grischun Romontsch*», acquista el ils 31 da mars 1837 la stampa da Simeon Benedict (per 700 flurins), installescha ella a Surrein, nua ch'el entscheiva sia ovra d'editur, redac-tur e stampadur. El publichescha la gasetta «*L'Amitg della Religiun e della patria*» (1837–1839), la «*Nova Gasetta Romontscha*» (1840–1841), «*Igl amitg dil pievel*» (1841) ed ina gronda retscha da broschuras e cudischs senza risguardar ils stampats pigns. Sias publicaziuns ein per gronda part da caracter religius, scolastic e social.

Igl onn 1846 vegn la stampa acquistada da Johann Holdenried (ch'ei probabel staus stampadur tier Camenisch) per il prezi da 500 frs. e lez transportescha ella a Cuera. 1857 venda Holdenried la stampa a Placi Condrau.

- Ei suonda la gliesta dils stampas da Camenisch:
Maniera de far la Via della Crusch – Stampau a Surrhein-Somvitg 1837 [Giusep Maria Camenisch].
- RIEDI, Gion Ev[angelist]: *La trost dil giest, e la sgarschur dil pucont* (1837).
- GIERIET, Jacob Fr.: *Cuortas devoziuns per pitschens affons* (1837).
- SCHMID, Christoph: *Historia dil grov Heinrich de Eichenfels co el ei vignius tier l'enconoschienscha de Diu* (1837).
- La vita de S. Plazi Martir, e Soing Sigisbert, Avat e confessur* (1838).
- La vita de S. Antoni de Padua, confessur, e de S. Modest, S. Vitus e S. Crescentia, martirs* [1838].
- WENZIN, Christian: *Legendari u vita dils Soings per il meins maig, zercladur, fenadur, august . . . Secunda part* (1839). In bi volumen. L'emprema part ei vegnida stampada a Nossadunnaun da Gius. Tum. Kälin 1830. La tiarza part ei suondada 1845.
- Cuorta doctrina christiana-catholica cun zacconts mussaments per affons davart prender penetienzia, e pervergiar* (1839).
- Cudisch de A B C* (1849).
- [CAMENISCH, Giusep Maria:] *Entruidament tier l'emeiglioraziun della economica d'uauls grischuns. Luvrau e dau or sin insinuaziun della regenza cantonala* (1840).
- [CADUFF, Gian Christ.:] *Testamen dell'olma u maniera de ventiraivlamein viver e beadamein morir* (1842).
- Uffeci de nossa Dunna e dils morts, las viaspas . . .* (1841).
- Supplements tier la collecta officiala de leschas per il Cantun föderal Grischun. Emprem libel supplementar . . .* (1842).
- Collecta officiala foederala per il Cantun Confoederau Grischun-Emprem tom* (1843).
- Il cudisch de S. Joseph . . .* (1843).
- THOMAS a Kempis: *Quater cudischs de suondar Christus* (1843) [Stampadur: J.D. Pfund]. *Cudisch de A B C* (1845).
- WENZIN, Christian: *Legendari u vita dils soings per il meins september, october, november, december . . . Tiarza part* (1845).
- Devoziuns en special tier il santissim cor de Jesus e Maria* (1846).

LEGENDARI

U

VITA DILS SOINGS

PER ILS MEINS

Maig, Zercladur, Fenadur, August.

Mess ent il Lungaig romonsch entra Sur Decan e Vicari

CHRISTIAN WENZIN DE TUJETSCH.

PROCURAUS

ALLA STAMPA ENTRAS

SUR. GILL S. M.R. CAMENISCH

e Signiur Mistral

Christian Wenzin de Tujetsch.

SECUNDA PART

Cun Lubienscha dils Superiurs.

STAMPAUS A SURRHEIN-SOMVITG.

TIER

Sur Joseph Maria Camenisch, possessur della Stampa.

1839.

Christian WENZIN: Legendari u vita dils soings. – Surrhein-Somvitg, Joseph Maria Camenisch, 1839. Frontispezi.

Stampa Romontscha Condrau SA

La gronda officina tipografica dalla Surselva, cun stampa da pliras colurs, offset, cumposiziun da film, ligaria, papeteria, ei quella dalla famiglia Condrau, ussa enconuschenta sut la noziun sura numnada, resp. «*Ediziuns Desertina*». Ella munta in stabiliment grafic da num e pum, ina industria da gronda impurtonza culturala ed economica.

Fundatur ei mistral Placi Condrau staus. Siu scopo principal era quel da saver garantir ina gasetta catolica romontscha als Sursilvans. Ella ha acquistau quella mira fundond la «*Nova Gasetta Romontscha*», resp. la «*Gasetta Romontscha*». 1856 ha Placi Condrau (1819–1902) cumprau la stampa Holdenried. Il success ei bingleiti sefatgs valer. Patruns ed editurs ein stai ils treis mistrals: Placi Condrau dils 1857 entochen ils 1894 persuls, naven da lu entochen sia mort 1902 ensemens cun siu nevs Giachen Giusep che surpren persuls la fatschenta entochen 1922. Naven da lu entochen 1974 ei dr. Giusep Condrau cau dalla interpresa. Actuals proprietaris ein ses artavels cun il fegl Pius alla testa. Igl ei la quarta generaziun che s'occupescha dalla stampa. Redacturs dalla «*Gasetta Romontscha*» e medemamein dil «*Calender Romontsch*» ein ils editurs sezs stai, lu dr. Dumeni Columberg (1969–1971) e naven da 1972 dr. Giusep Capaul.

Dallas numerusas publicaziuns, excepiu las gia numnadas, menziunein nus las impurtontas:

- HUONDER, Gion Antoni: *Las poesias* – Mustér, Condrau, 1890.
Cudisch dellas Epistlas e dils Evangelis . . . Cun in appendix d'Oraziuns e Litanias – Mustér, Giusep Condrau, 1928.
DEPLAZES, Placi Sigisbert: *Cudisch dils Evangelis . . . Ediziun dell'Uniun diocesana de cultus* (1930).
Lecziunari (Lecziuns per il survetsch divin) – Stampa romontscha, 1970–1974. 4 toms. *Bibla per Scola e Pievel* (1973).
CARIGIET, Alois: *Platengia, eine Kunstmappe von A'C'* – Disentis, Desertina 1960.
Reproduktionen (Aus Leben und Werk des Malers von Hendri Spescha) – Disentis/Zürich, Desertina/Rascher (1963).
Zwei Welten – (Desertina (1968).
Querschnitt durch sein Schaffen, Tafelbilder, Zeichnungen, Aquarellierte Zeichnungen, Wandbildentwürfe (1973).
CARNOT, Maurus: *Aus Alt Fry Rätien. Erzählungen*. Hrg. P. Odilo Zurkinden (1955).

- PENG, Hildefons: Chur ist schön. Ernstes und Heiteres aus einer kleinen Stadt (1965).
- FRY, Carli: *Ovras* (1951–1962) 5 Vol.
- CANDINAS, Luis: *Sulegliadas (Poesias)* (1954).
- HALTER, Toni: *Il cavalè della Greina, Roman* (1960). *Fein selvadi* (1973).
- Culan: Der Pfadfinder von Crestaulta, Roman* (Deutsch von Stephan Schuler, 1959), [2. ed. 1974].
- DEPLAZES, Gion: *Passiun, Roman* (1963).
- HENDRY, Ludovic: *Il fegl digl anticrist* (1967). *Ils Saracens vegnan, Roman historic* (1974).
- SPINAS, Otto [pseudonim: Gion Not Spegnas]: *Rosas e Spegnas, I, II* (1951, 1954).
- CADOTSCH, Peder: *Tera banadeida* (1967).
- SIGRON, Josef Angel: *Tiefencastel, Codesch da Casti – Mustér/Thusis, Condrau/Roth*, 1968.
- CARNOT, Maurus: *Wo die Bündnertannen rauschen. Erzählungen*. 4. ed., 1970.
- THURSTON, Bryan Cyril: *Il clom dalla Greina – Wildes Bergland . . . – Disentis, Desertina* (1973).
- MAISSEN, Flurin: *Mineralklüfte und Strahler der Surselva – Fuorns e cavacristallas* (1974) 2. ed. ampl.
- MÜLLER, Iso: *Pater Placidus Spescha 1752–1833. Ein Forscherleben im Rahmen der Zeitgeschichte* (1974).
- MATT, Alphons: *Versiegen die Quellen? . . . (Europäisches Management Forum, 1974).*

Las stampas da Glion

A partir da 1857 exista a Glion la pintga officina da Mathias Stehle, ligiacudischs ed occasiunalmein stampadur, editur e librari. Da quei regorda per exemplil il cudisch «*Offici de Nossa Donna e dils morts, las viaspras*» . . . 6. ed., Glion 1858, *Da haver tier M. Stehle, ligiacudischs. Stampau tier B. Holdenried a Füssen*. La stampa haveva en quei cass Bernhard Holdenried procurau che stat pli tard a Cuera. Stehle sez, ch'era buca stampadur da vaglia, haveva funcziunau sco editur, ligiacudischs e commerciant.

La mudesta fatschenta ei vegnida surprida e menada pli tard dalla nova stampa Vollmar & Manetsch, dus tipografs fatschentai avon dalla Stampa Condrau. W. Vollmar haveva luvrau gia ver 10 onns tier Condrau. Stiafen

Manetsch haveva fatg leu igl emprendissadi ed era seperfeciunaus egl jester. Vollmar dirigeva la fatschenta (tipografia, papeteria e libreria) senza schar dir siu cumpogn in plaid el capetel. Havend acquistau memia bia material e nunsavend administrar la fatschenta sco duiu, reussescha l'interpresa buca. W. Vollmar fa scussiun, pren la fuigia e tuorna a Ravensburg, siu liug d'origin e finescha la finala siu cuors terrester a Baltimore (America). Il Manetsch malprecaut e trumpau surpren la fatschenta 1867, lavura mo cun in gidonter e paga sia part dils deivets. Malgrad ils gronds sacrificis fatgs sto el serrar 1869 la fatschenta e tschercar lavur e gudogn a Cuera, lu ad Altstätten (SG), nua ch'el miera ella vegliadetgna da strusch 30 onns. Il material, ch'el veva cediu a Meyer & Sprecher, croda a Sprecher & Plattner e la finala al Bündner Tagblatt 1870.

Da 1856–1868 publichescha quella emprema stampa da Glion la gasetta «*Ligia Grischa*», da 1866–1867 «*Seras d'unviern*» e da 1867–69 las treis annadas dil calender «*Il Glogn*». Digns da remarcar ei il cudisch VINCENZ, Joh. J.F.: «*Cudisch da devoziun ed instrucziun per in christianeivel pievel*», 1866.

1922 fundescha Ludwig Derungs la secunda stampa da Glion. Il num ufficial secloma: Franz Derungs Artavels (1922–1939), resp. Frars Derungs (Ludwig e Anton (1940–1946) e Ludivic Derungs naven da 1946. Quella stampa edescha specialmein publicaziuns da natira locala e regiunala, canzuns, cudischs da devoziuns ed oraziuns. Lein menziunar las principales.

DECURTINS, Luis: *Igl amitg dils purs ne entruidament... agid a sia biestga...* – Glion, Franz Derungs, 1924.

CAMATHIAS, Florin: *Paun per l'Olma* – F. Derungs Artavels (1925).

DERUNGS-Tomaschett, M.: *Cudisch de cuschinär* – Frars Derungs, 1928.

FISCHER, Hermann: *La sontga Via della Crusch* (1929).

VALDES, Armando/CORAY, G.: *Santa Rogelia* (1930).

SIMONET, Alois: *Igl affon de Diu...* 2. ediziun (1937).

CAMATHIAS, Flurin: *La Via dil Salit...* (1940).

Nies car Salvador. Amitg dils affons – Glion, A. Derungs. 1946.

Igl onn 1925 arva Moriz Maggi, ligiacudischs, possessur d'ina papetaria ed editur naven dalla fin dil 19avel tschentaner, la tiarza stampa da Glion. Suenter sia mort senumna la fatschenta Moriz Maggi Artavels e pli tard Maggi & Co. (naven da 1956). Ils proprietaris actuals ein Anna e Pia Maggi e lur nevs Anton Dosch.

Questa stampa ha procurau per publicaziuns da caracter pratic, civic, cultural e religius. Dils mieds didactics stampai dils Maggis menziunein

nus ils cudischs da lectura per las classas elementaras dil Surmir e dalla Surselva e la «*Grammatica romontscha-tudestga*», 7. ed. rev., da Ursicin Simeon, 1952. Denter ils numerus cudischs citein nus:

DEPLAZES, Placi.: *La veneraziun de S. Giusep.* 4. ed. – Glion, M. Maggi artavels, 1951 (3. ed. 1943).

FRY, Carli: *Niev Testament* (1949).

SCHEUBER, J.K./DERUNGS, Luis: *La famiglia purila fa oraziun* (1953).

Bibla da scola (1944), *Cudisch della Doctrina catolica* (1950).

CAHANNES, Gion: *Cudisch d'uffeci ... 9. ed. revedida* – Glion, Maggi, 1932.

SIMONET, Alois/MAISSEN, Alfons: *Cecilia Cudisch de Canzuns ed Oraziuns. Nova ediziun* (1940) 3. ed. 1947. Ina ulteriura edeschan A. SCHMID, A. SIMONET e G. ARPAGAUS, 1959.

Ils Maggis han publicau ils dus emprems toms dalla retscha *Sursum corda, Lectura religiosa romontscha* (1926: *Il cudisch de Job*, ed. da Carli Fry; *Dus Pioniers dil Segner*, da Balzer Pelican) sco era las duas empremas numeras da *La tribuna romontscha*, collecziun da dramas romontschs ed. da Carli Fry sco per exemplu: *Igl ierfan*, da Luregn Fontana, *La mort dil bandit*, da Carli Fry. Denter las otras publicaziuns dils Maggis eligin nus las pli significativas e representativas:

SOLIVA, Martin: *Graubünden während des Kaiserreichs der hundert Tage* (1923).

MAISSEN, Alfons: *Il resvegl della canzun populara romontscha* (1943).

VINCENZ, Pierer A.: *Historia della vischnaunca da Trun* (1940).

BELSCH, Gion [pseudonim da Albert WIHLER]: *Nenetta, Ina Historia vera* (1950).

DEPLAZES, Gion: *Marietta, Cuolpa u destin* (1951).

LOZZA, Alexander: *Igl det da Dia. Per sursilvan da Alexi DECURTINS* (1953).

HALTER, Toni: *Culan de Crestaulta, Roman* (1956; ill.).

SIALM, Gion B.: *Guid crunamatg, Poesias* (1958).

GADOLA, Guglielm: *Las marletgas de Paul Luziet, Roman* (1956, ill.).

Brulf (1959, 1. ed. 1941).

Las stampas da Panaduz e Domat

Suenter 183 onns dapi la serrada dalla stampa Moron ha Panaduz puspei ina tipografia-ligaria, quella da Jules Bieler e Karl Hächler, aviarta 1956. Suenter che Hächler ei sereratgs dad ella 1964, cuntinuescha Bieler la

fatschenta. Ultra da stampats commercials ed administrativs da tutta natira publichescha ella il «*Fegl ufficial dil district Imboden*».

A Domat exista naven da 1959 entochen 1972 la stampa da Franz Durisch-Jörg. Quel venda ella lu a Richard Brunner e lez siara ella 1974.